

東國通鑑

一

之天有不測之風也今秋修築
之人不始以爾新羅索其蓋請非其
李東之卒宜觀官以竇之 上曰

丙子命甲縣下人並兩將○茲耳言


丁酉歲革蓋條方一無令正將觀書

其五氣然之並不可罪也茲命

丁酉歲革蓋條方一無令正將觀書

其五氣然之並不可罪也茲命

丁酉歲革蓋條方一無令正將觀書



Digitized by the Internet Archive
in 2011 with funding from
C. V. Starr East Asian Library, UC-Berkeley

東國通鑑序

經以載道史以記事經則孔子刪定述作已垂教於萬世史則馬班以下作者非一代各有書浩穰難記學者雖窮十年之力尚不讀遍況人主日有萬幾復何暇於周覽哉先正司馬公哀集歷代史旁採羣書撮其機要上起衰周下迄五季作長編曰資治通鑑誠史家之指南也紫陽朱夫子因之作綱目文約而事愈備監戒昭而幾微著深得春秋謹



嚴之旨後有作者舉不外於二家範圍
之中矣吾東方自檀君歷箕子以至三
韓載籍無徵下逮三國僅有國乘粗略
太甚加以無稽不經之說後之作者相
繼纂述有全史焉有史略焉有節要焉
然復襲本史之疎漏高麗氏統三為一
傳世三十三歷年幾五百雖有國史中
間記載繁簡頗有不同且未免闕遺之
失恭惟

太祖康獻大王應運開國收舊圖籍以為秘

府之藏

三宗相承文治益隆設官開局撰麗史有所
謂全史者有所謂節要者史家制作於
斯漸備

世祖惠莊大王聖學天縱留神經史嘗謂左
右曰吾東方雖有諸史無長編通鑑可
擬資治

命詞臣將欲校讎而事竟未施我

主上殿下紹膺大統適追先猷命達城君

臣

徐居正行護軍

臣

鄭孝恒叅議

臣

孫比

長行護軍

臣

李淑城前都事

臣

金澤校

理

臣

李承寧司儀

臣

表沿沐典籍

臣

崔

溥博士

臣

柳仁洪暨

臣

克墩等撰修東

國通鑑以進

臣

等俱以庸拙才乏三長

恭承

綸命凌兢罔措謹撫三國以下諸史蕪採

中國史用編年記事凡例一依資治而

寓以綱目筆削之旨刪繁削冗務存要

領三國並峙則稱三國紀新羅統合則

稱新羅紀高麗則稱高麗紀三韓以上

則稱外紀上下千四百年國勢之離合
運祚之脩短君舉之得失政治之污隆
靡不直書至如重名教崇節義討亂賊
誅奸諛尤加謹嚴庶幾垂勸戒而訓後
世也先儒之有論斷者皆取而書之閒
亦竊附臣等之臆論極知狂僭不足齒
作者之列臣又竊念箕子以九疇之學
敷八條之教當時必有記動記言之官
備載嘉言善行而今皆泯滅無傳三國
則鄙野荒繆高麗則脫略舛錯雖使借

手於班馬尚難為之詞况如臣等之謏聞陋識安能仰體

隆委而贊一辭乎姑以管見彙粹纂次編成五十七卷粧潢投

進倘於

宵旰之暇時

賜觀覽鑑前世治亂興亡之跡為今日左右之箴警益懋稽古之

盛德則其於至治未必無小補云成化乙巳七月二十六日純誠佐理功臣嘉善

大夫廣原君兼同知義林府事世子右
副賓客臣李克墩拜手稽首謹序

Table with 10 columns and 10 rows. The text is extremely faded and illegible. The columns appear to be separated by vertical lines, and the rows by horizontal lines. The overall appearance is that of a blank or nearly blank page with some faint markings.

東國通鑑目錄

卷第一

新羅

始祖王居世

南解王

儒理王

高句麗

始祖東明王

瑠璃王

大武神王

百濟

始祖溫祚王

多婁王



卷第二

新羅

儒理王

脫解王

婆娑王

祇摩王

逸聖王

阿達羅王

高勾麗

大武神王

閔中王

慕本王

太祖王

次大王

新大王

百濟

多婁王

已婁王

盖婁王

宵古王

卷第三

新羅

伐休王

柰解王

助賁王

沾解王

味鄒王

儒禮王

基臨王

訖解王

高勾麗

故國川王

山上王

東川王

中川王

西川王

烽上王

義川王

故國原王

百濟

肖古王

仇首王

沙伴王

古爾王

責稽王

分西王

比流王

卷第四

新羅

訖解王

柰勿王

實聖王

訥祗王

慈悲王

照智王

高句麗

故國原王

小獸林王

故國壤王

廣開土王

長壽王

百濟

契王

近肖古王

近仇首王

枕流王

辰斯王

阿莘王

腆文王

久爾莘王

毗有王

盖鹵王

文周王

三斤王

東城王

卷第五

新羅

炤知王

智證王

法興王

真興王

真智王

真平王

高勾麗

文咨王

安藏王

安原王

陽原王

平原王

嬰陽王

百濟

東城王

武寧王

聖王

威德王

惠王

法王

武王

卷第六

新羅

真平王

善德女王

高句麗

嬰陽王

榮留王

寶藏王

百濟

武王

義慈王

卷第七

新羅

善德女王

真德女王

太宗王

高勾麗

寶藏王

百濟

義慈王

卷第八

新羅

太宗王

文武王

高勾麗

寶藏王

卷第九 五

新羅

文武王

神文王

卷第十

新羅

孝昭王

聖德王

孝成王

景德王

惠恭王

宣德王

元聖王

昭聖王

哀莊王

憲德王

卷第十一 六

新羅

興德王

僖康王

神武王

又聖王

憲安王

景文王

憲康王

定康王

真聖女主

孝恭王

附甄萱

弓裔

神德王

卷第十二

新羅

景明王

景哀王

敬順王

附甄萱

卷第十三

七

高麗

太祖

惠宗

定宗

光宗

景宗

卷第十四

高麗

成宗

卷第十五

高麗

穆宗

顯宗

卷第十六

高麗

顯宗

德宗

靖宗

卷第十七

高麗

文宗

順宗

卷第十八

高麗

宣宗

獻宗

肅宗

卷第十九

高麗

肅宗

肅宗

卷第二十

高麗

睿宗

卷第二十一

高麗

仁宗

卷第二十二

高麗

仁宗

卷第二十三

高麗

仁宗

卷第二十四

高麗

毅宗

卷第二十五
十五

高麗

毅宗

卷第二十六

高麗

明宗

卷第二十七
十四

高麗

明宗

卷第二十八

高麗

明宗

卷第二十九

十五

高麗

神宗

熙宗

康宗

卷第三十

高麗

高宗

卷第三十一

十六

高麗

高宗

卷第三十二

高麗

高宗

卷第三十三

高麗

高宗

卷第三十四

高麗

元宗

卷第三十五

十八卷

高麗

元宗

卷第三十六

高麗

元宗

卷第三十七

高麗

忠烈王

卷第三十八

高麗

忠烈王

卷第三十九

高麗

忠烈王

卷第四十

高麗

忠烈王

附忠宣王

卷第四十一

王

高麗

忠烈王

卷第四十二

高麗

忠宣王

忠肅王

卷第四十三

王

高麗

忠肅王

卷第四十四

高麗

忠惠王

忠肅王復位

忠惠王復位

卷第四十五

高麗

忠惠王

忠穆王

忠定王

卷第四十六

高麗

恭愍王

卷第四十七 二十四

高麗

恭愍王

卷第四十八

高麗

恭愍王

卷第四十九 二十五

高麗

恭愍王

卷第五十

辛禡

卷第五十一

二千六

辛禡

卷第五十二

辛禡

卷第五十三

二千七

辛禡

卷第五十四

高麗

恭讓王

卷第五十五

二十八

高麗

恭讓王

卷第五十六

高麗

恭讓王

東國通鑑目錄終

東國通鑑凡例

一三國以前史書漫滅無傳雜採諸書作
外紀

一三國勢均力敵不可主一故依綱目無
正統例以立國先後分註其年稱其紀
曰三國紀新羅統一之後始大書其年
稱某國紀每王依資治通鑑例先書某
王

一新羅之初其君有稱居西干者尼師今
者麻立干者皆王號也崔致遠年代曆

惡其鄙野悉皆稱王今從之

一凡君或名或弔或謚妃或稱后世子或稱太子或稱正胤教或稱詔或稱制官爵之作擬上國皆從實直書

一每年必先書中國年號尊之也新羅嘗行年號僭擬中國故削之

一綱目法春秋筆削之旨寓褒貶以示勸戒陳桎因之作續編綱目至如少微之通鑑節要張光啓之續編節要凡有關於名教國家大體者則略倣綱目之例

先提其綱後叙其實今從之

一三國皆薨年改元權近史略踰年稱元者惡其非禮也然記事頗有牴牾今據實書之

一善德真德真聖陰居尊位非常之變不可以訓後世故黜而稱主

一忠烈忠宣忠肅忠惠父子前後為王忠宣立則稱忠烈為上王忠烈復位則稱忠宣為前王以明父子之義忠肅忠惠倣此

一辛禍依王莽例止書甲子書其年於註
昌立未久附恭讓元年

一災異之驗於事者必書餘皆略之祥瑞
不書而因事乃書

一百濟高勾麗之郊祀天地高麗之八關
會遊幸寺院受菩薩戒設道場飯僧時
君常事或書其始或書其尤甚者或以
事而書之外國之來投納款者不可勝
書或書其始至或因事書之

東國通鑑凡例終

東國通鑑外紀

檀君朝鮮

東方初無君長有神人降于檀木下國人立
為君是為檀君國號朝鮮是唐堯戊辰歲也
初都平壤後徙都白岳至商武丁八年乙未
入阿斯達山為神

檀君

古紀云檀君與堯並立於戊辰歷

虞夏至商武丁八年乙未入阿斯達山為
神享壽千四十八年此說可疑今按堯之
立在上元甲子甲辰之歲而檀君之立在



後二十五年戊辰則曰與堯並立者非也
自唐虞至于夏商世漸澆漓人君享國久
長者不過五六十年安有檀君獨壽千四
十八年以享一國乎知其說之誣也前輩
以謂其曰千四十八年者乃檀氏傳世歷
年之數非檀君之壽也此說有理近世權
近入覲天庭

太祖高皇帝命近賦詩以檀君為題近詩曰
傳世不知幾歷年曾過千

帝覽而可之時論亦以近之言為是姑存之


以備後考

箕子朝鮮

殷太師箕子紂諸父也紂無道比干諫而死
微子去之箕子即被髮佯狂為奴嘗曰商其
論喪我罔為臣僕及周武王伐紂訪道于箕
子箕子為陳洪範九疇武王封于朝鮮都平
壤教其民以禮義田蠶織作為民設禁八條
相殺以當時償殺相傷以穀償相盜者男沒
入為其家奴女為婢欲自贖者人五十萬雖
免為民俗猶羞之嫁娶無所售是以其民終

不相盜無門戶之閑婦人貞信不淫辟其田野都邑飲食以籩豆有仁賢之化其後孫朝鮮侯見周衰而燕稱王將東略地亦自稱王欲興兵伐燕以尊周大夫禮諫之而止使禮西說燕燕亦止不攻後子孫稍驕虐燕乃遣將攻其西取地二千餘里至滿潘汗為界朝鮮遂弱及秦并天下築長城抵遼東四十代孫否立畏秦遂服屬於秦否死其子準立二十餘年而陳項起天下亂燕齊趙民愁苦稍稍亡歸準及盧綰為燕王準與燕以涇水為

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint smudges and discoloration, particularly towards the edges. The left edge of the page is bound, showing dark stitching or thread. There is no text or other markings on the page.



蓋以右渠所都為治所也臨屯郡治東曉縣
玄菟郡治沃沮城後為夷貊所侵徙郡勾麗
西北真蕃郡治霫縣郡初取吏於遼東吏見
民無閉藏及賈人往者夜則為盜俗稍益薄
犯禁浸多至六十餘條仁賢之化變矣

二府

漢昭帝始元五年以朝鮮舊地平那玄菟等
郡為平州都督府臨屯樂浪等郡為東府都
督府

三韓

馬韓

箕準既為衛滿所攻奪率其左右宮人走入海居韓地金馬郡自號韓王其民土著種植知蠶桑作綿布各有長帥大者自名為臣智其次為邑借散在山海間無城郭有爰襄國牟水國桑外國小石索國大石索國優休牟涿國臣瀆沾國伯濟國速盧不斯國日華國古誕者國古離國怒藍國月支國谷離牟盧國素謂乾國古爰國莫盧國卑離國占離卑國臣豐國支侵國狗盧國卑彌國監奚卑離

國古蒲國致利鞠國毋路國兒林國駟盧國
內卑離國感奚國萬盧國辟卑離國舊斯烏
旦國一離國不離國友半國狗素國捷盧國
牟盧卑離國臣蘇塗國古臘國臨素半國臣
雲新國如來卑離國楚山塗卑離國一難國
狗奚國不雲國不斯漬邪國爰池國乾馬國
楚離國凡五十餘國大國萬餘家小國數千
家總十餘萬戶俗少綱紀居處作草屋土宇
其戶向上俗不重金銀錦罽而貴璵珠用以
飾髮垂耳其男子衣帛袍履草屨性勇悍謹

呼力作善用弓楯矛櫓

辰韓

弁韓

辰韓在馬韓之東自言秦之亡人避後入韓
韓割東界以與之立城柵言語有類秦人或
謂之秦韓常用馬韓人作主雖世世相承而
不得自立明其流移之人常制於馬韓地宜
五穀俗饒蠶桑善作縑布乘駕牛馬嫁娶禮
俗男女有別行者相逢皆住讓路又有弁韓
不知其始桓屬於辰韓辰弁二國各統十二
國又有諸小別邑各有渠帥大者名臣智其

次有險側次有樊穢次有殺奚次有邑借有
已抵國不斯國弁辰彌離彌凍國弁辰接塗
國勤耆國難彌離彌凍國弁辰古資彌凍國
弁辰古淳是國井奚國弁辰半路國弁樂奴
國軍彌國弁軍彌國弁辰彌烏邪馬國如湛
國弁辰甘路國戶路國州鮮國馬延國弁辰
狗邪國弁辰走漕馬國弁辰安邪國弁辰瀆
盧國斯盧國優中國合二十四國大國四五
千家小國六七百家總四五萬戶

權近曰三韓之說互有不同然朝鮮王準

避衛滿之亂浮海而南開國號馬韓至百濟溫祚立遂并之今之益州有古城至今人稱為箕準城則馬韓之為百濟無疑矣辰韓新羅始祖赫居世所起之地新唐書曰卞韓在樂浪之地又曰平壤古漢之樂浪郡則辰韓之為新羅卞韓之為高句麗亦無可疑後漢書以為卞韓在南辰韓在東馬韓在西其謂卞韓在南者蓋自漢界遼東之地而云耳非謂卞韓在辰馬二韓之南也崔致遠因謂馬韓麗也卞韓百濟

也誤矣

臣等按三韓所統七十餘國之名見於陳
壽三國志者如此必非鑿空造語而東史
不傳今不得考其所在

Blank manuscript area with horizontal ruling lines.

進東國通鑑箋

純誠明亮佐理功臣崇政大夫達城君
兼弘文館大提學藝文館大提學知

經筵春秋館成均館事臣徐居正等謹

將新修東國通鑑繕寫粧潢投

進臣居正等誠惶誠恐頓首頓首

上言竊以

與治興與亂亡興亡可鑑於既往不虛
美不隱惡美惡當示於將來歷觀修史
之規咸以編年為本通鑑托始於涑水

之賦以臨平為本
正繼此故外親本
妻不親惡妻當示
外親來壘贈外史
與或興與濟山興
山下繼外親於不
繼

五江等滿野滿次眞首眞首

節節到東園
庭
盤盤萬蝶舞

豈哉春煖
 翰苑詩車
 斜曷五等
 結

無好交讀大魁學藝文讀大魁學吟

撫
 諸
 國
 意
 五
 聖
 心
 到
 崇
 如
 大
 夫
 重
 德
 等

新東園戲盤漫

東三三易故而聖平最易聖齊智也
 而實泰三國鼎新而國難修羣華基
 德及今之對及二取融聚之翰音韓
 新於古難之無難豈空言之可薄也四
 自世其十受桂外同左聖者外而存
 燭之耗難否並立外聖美用自新而
 蠲毒泰而復一念非賄難亦國古辭文
 國既和而善難難難難難難難難難
 新難難難難難難難難難難難難難
 新難難難難難難難難難難難難難

祛馬史紀傳之冗長綱目裁揮於晦菴
得麟經袞鉞之奧妙少微因之作節要
劉剡述而著續編雖紀載註略之殊其
體裁義例則一念我朝鮮有國古稱文
獻之邦擅君並立於唐堯民自淳而俗
自朴箕子受封於周武過者化而存者
神然古籍之無徵豈空言之可載迨四
郡瓜分之後及二府幅裂之餘諸韓蜂
起而寢衰三國鼎峙而割據新羅肇基
東土三易姓而歷年最長麗濟皆出朔

方兩立國而境壤相接然各誇強而詭
大曾不息兵而善隣時干戈之相尋日
彊場之自蹙考隆替有遲速之異論得
失無彼此之分第國乘之僅存而文理
之或盭事涉不經而荒恠語多無稽以
縲悠雖再經先儒之校讎猶復襲本史
之踈漏泰封自絕麗祖乃興經營四方
剡羣雄而耆定削平二國合三韓以為
家式恢宏遠之模永建創垂之業三十
代錄既傳子而傳孫王百歲期間或治

而或亂簡策俱在藏否焉
逃時運已窮
於前朝曆數竟歸於

真主

太祖康獻大王握符興運

稽古彌文

法漢祖收秦圖書

體唐宗購隋典籍

命搜勝國之史以備

秘府之藏逮

三宗之相承

宣重光而致治乃設史局仍掌編摩有全
史既蒐剔而包羅有節要復研剗而簡
切更數紀而告訖為一代之成書
世祖惠莊大王德性在躬

聰明冠古

惟精惟一允協舜哲而堯欽

丕顯丕承聿追文謨而武烈

慨我國雖有舊籍無長編可擬前脩方金
櫝之欲紬遽鼎湖之云邈恭惟

主上殿下研窮至理

恢廓先猷

巍乎功煥乎章治道於斯為盛

繼之志述之事制作粲然有文通鑑之成

適當今日

臣

等俱以謏薄之孱質叨奉

撰述之

綸音才既乏於三長辭何有於一贊思欲

上荅於

隆委祇自俯竭其微勞博採羣書裒為臣

帙凡例皆倣於資治大義實法乎春秋

因年代之後先繫時月而序次論其世

考其事雖略加刪潤之勤惡則貶善則褒恐未合筆削之旨間竊附僭踰之論說庶發明往昔之是非上下千四百年前者覆而後者戒彙粹五六十卷義欲正而辭欲嚴敢塵

高明采增戰懼

置諸左置諸右時

賜乙夜之觀

監有夏監有殷永作千秋之鏡所修東國通鑑五十七卷謹隨箋以

聞無任激切屏營之至
臣居正等誠惶誠恐

稽首謹言

成化二十一年乙巳七月二十六日純
誠明亮佐理功臣崇政大夫達城君兼
弘文館大提學藝文館大提學知經
筵春秋館成均館事
臣徐居正等 謹

上箋

東國通鑑卷之一

三國紀

新羅

高勾麗

百濟

新羅始祖元年

漢宣帝五年

夏四月丙辰始祖

朴赫居世立先是朝鮮遺民分居東海濱山

谷為六村曰閼川楊山曰突山高墟曰鶯山

玆支曰茂山大樹曰金山加里曰明活山高

耶是為辰韓六部高墟村長蘇伐公望楊山

麓蘿井林間有馬嘶往見得大卵剖之有嬰

兒養之岐嶷夙成六部異之立為君年十三

號居西干國號徐羅伐其以朴為姓者以所
剖之卵似瓠俗謂瓠為朴

權近曰孔子刪詩書斷自唐虞蓋以唐虞
以前世道鴻荒難可盡信也唐虞以降則
中國載籍已無可怪之事矣三國始祖之
生俱與漢並時矣安有若是其可怪者乎
非獨始祖為然閔英之生脫解之出亦皆
怪而不常豈非厥初海隅之地有生之衆
淳朴無知間有一為詭說者舉皆信而神
之以傳後世也不然何其怪異之多乎

臣等按

新羅本史其君稱居西干者一居

西干辰言王或云呼貴人之稱也次次雄者一次次雄或云慈克方言巫蓋神而敬畏之稱也尼師今者十六齒理之稱麻立干者四以其擬表位之稱至二十二世智證王三年始稱王而定國號曰新羅自赫居世至于照知二十一代之間君未嘗稱王國未有定號崔致遠作年代曆皆稱王金富軾撰三國史因舊史而直書權近作史略從致遠年代曆皆以王書之蓋欲變

而尊名號也今臣等亦依致遠權近之例
自始祖以下皆稱王而國號以新羅冠之
且赫居世二十一年而高句麗始祖朱蒙
立四十年而百濟始祖溫祚立三國立國
歲月雖差有先後皆當赫居之時鼎足之
勢已成是以名曰三國紀云

五年

漢甘露元年

春正月立閼婁為妃初龍見於

閼婁井右脇生女兒有老嫗異而養之以井
為名及長有德容始祖納為妃有賢行能內
輔時人謂之二聖

權近曰國家之興莫不有內助之義夏有
塗山商有有嫫周有大妣所以正始而基
化者其至矣哉閼英為始祖之妃國人稱
美之必其德有以服國人心矣然其至
與始祖並稱為二聖則非矣二聖之稱見
於唐高宗武后之時高宗溺於武后立以
為后武后以巧慧陰鷙干與大政垂簾同
聽斷時人謂之二聖羅代之初民俗淳朴
其稱君尚用方言未應遽稱二聖是必羅
人事唐高宗之後習聞二聖之稱未知其

非慕效而追稱之歟况唐制書稱聖德王
為二明慶祚則羅人入唐不敢稱二聖而
以為二明其自稱於國中則乃爾也

臣等按權近以謂二聖之稱見於唐高宗
武后之時羅人事唐慕效追稱以今考之
漢成帝鴻嘉元年新羅執公聘於馬韓曰
我國自二聖肇興人事修天時和漢平帝
元始四年新羅王南解謂左右曰二聖棄
國孤以不德謬居君位則二聖之稱當時
已有之矣權近之論若是何耶

平未庚辰

八年

漢甘露四年

倭來寇邊聞王有神德乃還

十七年

漢元帝永光三年

王巡撫六部勸督農桑妃

關英從焉

權近曰省方人君之事也古之人君春省

耕而補不足秋省歛而助不給一遊一豫

無非所以為民也今始祖巡撫六部勸督

農桑庶幾古者省方補助之法矣若婦人

則無外事教令不出於閨門之內而妃從

焉非禮也

十九年

漢末光武五年

春正月卜韓以其國來降

漢建昭二年新羅始祖二十一新羅築京城

號曰金城○高勾麗始祖高朱蒙立先是扶

餘王解夫妻老無子祭山川求嗣所御馬至

鯤淵見大石相對而淚怪之使人轉其石有

小兒金色蛙形王喜曰此天賚我令胤養之

名曰金蛙及長立為太子後其相阿蘭弗曰

夢天帝謂我曰將使吾子孫立國於此汝其

避之東海之濱有地曰迦葉原土壤膏腴宜

五穀可都也遂勸王移都國彌東扶餘其舊

郡有人自稱天帝子解慕漱來都焉及解大

妻憂金蛙嗣得女子於太白山南優游水間
之曰我是河伯之女抑花與諸弟出遊解慕
漱誘入熊心山下鴨綠室中私之即往不返
父母責我無媒而從入遂謫於此蛙異之幽
於室中為日所烜引身避之日影又逐而烜
之因有娠生一卵蛙棄之與犬豕不食棄之
路牛馬避之棄之野鳥覆翼之蛙欲剖之不
能毋裹置暖處有男子破殼而出骨表異奇
年甫七歲自作弓矢射之發無不中扶餘俗
謂善射為朱蒙故名之蛙有七子其技能皆

漢建昭二年新羅始祖二十一新羅築京城

號曰金城○高勾麗始祖高朱蒙立先是扶

餘王解夫妻老無子祭山川求嗣所御馬至

鯤淵見大石相對而淚怪之使人轉其石有

小兒金色蛙形王喜曰此天賚我令胤養之

名曰金蛙及長立為太子後其相阿蘭弗曰

夢天帝謂我曰將使吾子孫立國於此汝其

避之東海之濱有地曰迦葉原土壤膏腴宜

五穀可都也遂勸王移都國彌東扶餘其舊

郡有人自稱天帝子解慕漱來都焉及解大

居五子者一謂赫居世次雄者一謂南解王尼師今者十六謂
王脫解王婆娑王祗摩王逸王阿王阿王阿王伐休王奎解王
中王王治解王姓多王儒祗王居臨王北解王奎勿王
康立子焉四謂勅祗王並悲王昭智王智謹王
始祖祗薩零伐脫解祗薩祗雞林波婆王等城号曰城或号曰城

不及朱蒙長子帶素言於父曰朱蒙生也非
常且有勇不早圖恐有後患蛙不聽掌喂馬
朱蒙增損其芻豆令駿者瘦而駑者肥蛙自
垂肥而與朱蒙瘦獵于野與朱蒙失小而殪
必多蛙諸子忌欲殺之毋語朱蒙曰國人將
害汝以汝才略何往不可孰與遲留而後悔
者乎朱蒙乃與烏伊摩離陝父等三人行至
淹澆水無梁祝曰我是天帝子河伯外甥今
日逃難追者垂及奈何於是魚鼈成橋朱蒙
得渡橋乃解追騎不及朱蒙行至毛屯谷

麻衣納衣水藻衣三人麻衣曰再思納衣曰
武骨水藻衣曰默居朱蒙賜再思姓克氏武
骨仲室氏默居少室氏語衆曰我方承景令
遇此三賢豈非天乎俱至率本扶餘沸流水
上都焉國彌高勾麗因姓高四方聞之來附
者衆其地連靺鞨朱蒙恐見侵盜遂攘斥之
靺鞨畏服不敢犯朱蒙見沸流水菜葉流下
知有人居上流往尋之果有國曰沸流其王
松讓見朱蒙曰寡人僻在海隅未嘗得見君
子吾子何從而來曰我是天帝子來都率本

乙酉

丁亥

己丑

松讓曰我累世為王君立都日淺地小不足容兩主君為附庸可乎朱蒙忿之因與較藝松讓不能抗

漢建昭三年新羅始祖二年夏六月松讓以國

降于高勾麗封為多勿侯麗語謂復舊土為

多勿

漢建昭五年新羅始祖二年秋七月高勾麗營

城郭宮室

漢成帝建始元年新羅始祖六年春正月新羅營

宮室於金城○冬十月高勾麗王命烏伊扶

新羅始祖

高勾麗始祖

芬奴伐特人國取之國在太白山東南

漢河平元年新羅始祖三夏樂浪人侵新羅

見邊人夜戶不扃露積彼野相謂曰民不相盜可謂有道之國吾儕潛師襲之無異於盜得不愧乎乃引退

漢河平二年新羅始祖三冬十一月高句

麗遣扶尉馱滅北沃沮沃沮一名置溝婁其

地北接挹婁挹婁在不咸山北東濱大海其

地多山險人多勇力士氣寒冬常居穴其弓

長四尺力如弩矢用楛長八寸青石為鏃古

丁酉

辛丑

之肅慎氏之國也自漢以來臣屬扶餘責其
租賦然俗喜乘船善寇鈔沃沮畏之每夏藏
巖穴至冬船道下通乃下居焉至是滅之

漢陽朔元年新羅始祖三十四年高勾麗始祖十四年秋八月高勾麗

王毋柳花卒於東扶餘扶餘王金蛙以太后
禮葬之立神廟冬十月高勾麗遣使致方物

以謝

漢鴻嘉元年新羅始祖三十八年春二月新羅遣

報公聘於馬韓馬韓王讓曰辰卞二韓為我
屬國比年不輸職貢事大之禮其若是乎對

新羅始祖

高勾麗疏曠王

曰我國自二聖肇興人事修天時和倉庾充
實人民敬讓辰韓卞韓樂浪倭人無不畏懷
而吾王謙虛遣下臣修聘可謂過於禮矣而
大王反怒劫之以兵何耶馬韓王愈怒欲殺
之左右諫止乃聽還先是中國之人苦秦亂
東來馬韓者頗多與辰韓雜居至是寢盛故
馬韓忌之執公本倭人初以瓠渡海而來故
號焉

漢鴻嘉二年新羅始組三十九年春馬韓王
高句麗始組十九年琉璃王元年
卒或說新羅王曰西韓王前辱我使今當其

喪征之其國不足平也王曰率人之災不仁也遣使吊慰

臣等按

古之為師不伐喪伐喪不仁也昔

滕昭公卒之三月宋圍滕春秋貶而稱人晉士匄帥師侵齊至穀聞齊侯卒乃還春秋備書褒之今始祖棄前日之憤矜隣國之恤非惟不伐遣使吊之所謂怨不棄義怒不廢禮其用心可謂寬且仁矣大抵創業之主子孫之所當法也後嗣之忠厚相傳維持千百年之久者豈非今日貽謀之

善耶

夏四月高勾麗王立子類利為太子初王在
扶餘娶禮氏有娠王既去乃生類利有奇節
喜彈丸嘗出遊彈雀誤中汲婦盆婦罵曰此
兒無父其頑如此類利慙復以泥丸彈塞之
歸問其母曰我父何人今何在母戲曰汝無
父類利泣曰人無父何面目立於世欲
自刎母止之曰前言戲耳汝父非常人不容
於國奔南地開國類利曰父為君子為匹夫
寧不愧乎母曰汝父方行語妾曰有遺物藏

安邑來良馬豐積弓羽三人月安泰續志云
為韓國能十齊新氣以爾獲土縣本趙不許
報爾獲多弓之豐并將以南安豐縣以十弓
戰西出大郵宜定積并北縣縣不縣令其月
計此以南之此北帶鄭本東縣高岳南堅大
風嶺堅下弓之此縣形密弓郵鄭十弓縣曰
客遊與島千島縣等十人南并至鄭山登負
知曰豐并及縣除為太千二人既為太千不
安集之未幾三農未農歸坐二千身曰新前
漢王撫七只百三女良宋漢非常人以第二

先華承明令稱立千皆以實書之也
又味其慈順富輝外條羅本然吾西千太
嚴姑筆之也史不計其端而及書曰王何
主不可書王不可又不可夷然之而無各
吳嚴而外書史書之也國限本無外嚴書
平竊購富輝外史之也條羅之也限外各
以國國東韓之也而籍八十國豈盡辭三
正十四國牙才韓各慈十二國道也基
以王亦辭可然也三韓鼎也之却也韓慈
也國安也而為國安也而辭王富輝也

百齊王臨幸到曰梓驛車非北齊其人象而

多信宜醫其蘇鍊為華宅之情三日必結父

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

百齊王臨幸到曰梓驛車非北齊其人象而

舉必書則當從本號矣而每書曰王與其
實不同此亦修史立文不得已而然耳

夏五月百濟立東明王廟○秋七月高勾麗
王納多勿侯松讓女為妃

權近曰按昔魯文公娶在三年之外春秋
猶譏其喪未畢而圖婚況在期年之內而
納妃乎類利之罪不待貶絕而自明矣

漢鴻嘉四年新羅始祖四十二年高
勾麗琉璃王三年百濟始祖二年春正月

百濟王謂羣臣曰靺鞨連我北境其人勇而
多詐宜繕兵積穀為拒守之計三月以族父

新羅始祖
高勾麗琉璃王
百濟始祖

乙音有智識膽力拜為右輔委以兵事靺鞨
古肅慎氏也國在不咸山北與北沃沮相接
臣等按靺鞨之地最北高句麗紀有曰卒
本地連靺鞨然新羅百濟常有靺鞨之患
豈靺鞨能越高句麗而侵二國乎百濟紀
曰國家東有樂浪北有靺鞨其亡也地為
新羅渤海靺鞨所分新羅紀亦曰靺鞨地
連阿瑟羅州是不知別有一種介於沃沮
濊貊之間乎抑船道越海而侵二國乎未
可詳也

乙巳

丙午

冬十月高勾麗王妃松氏薨王更姬二姬曰
禾姬鶻川人曰雉姬漢人二姬爭寵王造東
西二宮置之後王出田七日不返二姬相妬
禾姬罵雉姬曰漢家婢何無禮之甚雉姬慙
恨亡歸王親自追之雉姬怒不肯還

漢末始元年新羅始祖四十二年高
勾麗始王四年百濟始祖四十二年秋九月

靺鞨侵百濟北境王帥輕兵急擊大破之賊

生還者十一二

漢末始二年新羅始祖四十二年高
勾麗始王五年百濟始祖四十二年秋八月

百濟遣使樂浪修好

新羅必祖高勾麗始王百濟必祖

庚戌

漢元延二年新羅始祖四十七年高句麗琉璃王九年百濟始祖八年春二月

蘇羯圍百濟慰禮城王閉城門不出經旬賊
糧盡而歸王簡銳卒追及大芥峴戰克之○
秋七月百濟築馬首城堅瓶山柵樂浪太守
使告曰頃者聘問結好義同一家今逼我疆
造立城柵或者其有蠶食之謀乎若不渝舊
好隳城破柵則無所猜疑不然請一戰決勝
負王曰設險守國古今常道豈敢以此渝好
若執事恃強出師小國亦有以待之遂與樂
浪失和

子王

漢元延四年新羅始祖四十九年高夏四月
勾麗瑠璃王十一年百濟始祖十年

高勾麗王謂羣臣曰鮮卑恃險不我和親利
則出抄不利則入守為我國患能制者重賞
之扶芬奴曰鮮卑險固之國人勇而愚難以
力闔易以謀屈宜使人交閒給以國小兵弱
鮮卑易我必不為備臣俟其隙率精兵從間
道王使羸兵軍城南佯敗走彼必空城追之
臣以精兵入其城王親率勇騎挾擊之可克
王從之鮮卑果開門出兵追之扶芬奴走入
城鮮卑驚奔扶芬奴當關拒戰斬殺甚多王

新羅始祖

高勾麗瑠璃王

百濟始祖

舉旗鳴鼓而前鮮卑首尾受敵計窮力屈降
遂為屬國王賞扶芬奴食邑辟曰此王之德
臣何功焉不受王乃賜黃金三十斤良馬一
十匹○冬十月靺鞨寇百濟北境王遣兵二
百拒戰於昆彌川敗績依青木山自保王親
率精騎出烽峴救之賊退

漢綏和元年新羅始祖五十年高句麗
麗瑠璃王十二年百濟始祖十一年夏四月

樂浪以靺鞨襲破百濟瓶山柵殺掠一百餘
人○秋七月百濟設禿山狗川兩柵以塞樂
浪之路

乙卯

漢哀帝建平元年新羅始祖五十二年高春
勾麗瑠璃王十四年百濟始祖十三年

正月扶餘王帶素遣使聘高勾麗請交質子
王憚扶餘強大欲以太子都切為質都切不
肯行帶素恚之○二月百濟王都有老嫗化
為男五虎入王城○夏五月百濟王毋薨王
謂羣臣曰國家東有樂浪北有靺鞨侵軼疆
境少有寧日况今妖祥屢見國毋棄養勢不
自安予觀漢水之南土壤膏腴將遷都以圖
久安秋七月命立柵于漢山下移慰禮民戶
實之八月遣使馬韓告遷都定疆域北至淡

辰丙

河南限熊川西窮大海東極走壤九月乃立
城闕○冬十月扶餘王以兵五萬侵高句麗
會大雪士卒多凍死乃引去

漢建平二年新羅始祖五十四年高句麗
王十五年百濟始祖十四年春正

月百濟徙都漢山二月王巡撫部落勸農○

秋七月百濟築城漢江西北分漢城民○東

沃沮遣使新羅獻良馬二十四匹曰寡君聞南

韓有聖人出遣使來獻沃沮在高句麗蓋馬

山之東東濱大海北與挹婁扶餘南與濊貊

相接其地東西狹南北長可千里邑落各有

帥長土地肥美背山向海宜五穀善田種人
 性質直強勇漢武帝滅朝鮮以其地為玄菟
 郡

漢建平三年新羅始祖五十四年高勾春正
 麗瑠璃王十六年百濟始祖十五年

月百濟作新宮

漢元壽元年新羅始祖五十六年高勾春樂
 麗瑠璃王十八年百濟始祖十七年

浪侵百濟慰禮城○夏四月百濟立國母廟

權近曰有國家者必立宗廟以祀其先禮
 也國母自當配食於禰不宜別立廟而祀
 之也魯隱公別為仲子立廟春秋譏之今

新羅始祖 高勾麗瑠璃王 百濟始祖

百濟既立東明之廟而為國母別立其廟
何哉借曰禮無二嫡而類利之母既配東
明故溫祚不得不為其母別立廟而祀之
則東明之廟在高勾麗百濟以高勾麗為
宗國不得別祀東明當如夔子之不祀祝
融與鬻熊也若自別為宗以立東明之廟
則不當配以他國之母而別祀其母也溫
祚於此胥失之矣

漢

元壽二年

新羅

始祖五十七年

高勾

秋八

月

高勾麗

永逸王使託利斯卑追之至長

麗瑠璃王十九年百濟始祖十八年

屋澤中得之斷其脚筋王怒曰祭天之牲豈可傷也遂坑殺二人九月王疾巫曰託利斯卑為崇王使謝之即愈

權近曰祭天於郊天子之禮也高勾麗以蕞爾下國僭行其禮天豈受之哉祭帝之牲養之必有其所掌之必有其人郊豕之逸至于再三天示不受之意明矣夫天者理之所在而神不歆非禮麗王不知循理而無違率禮而不越小心翼翼畏威保民實所以事天也乃敢非義犯分僭天子之

禮既以失矣又以一承之故遂殺二人以
是事天反所以期天也其得疾病豈特二
人之崇哉

冬十月靺鞨侵百濟王帥兵逆戰於七重河
虜酋長素牟送馬韓坑其餘衆十一月百
濟王欲襲樂浪牛頭山城至白谷遇大雪乃

還

壬戌

漢平帝元始二年新羅始祖五十九年高
句麗瑠璃王二十一年百濟始祖二十一年春

二月百濟王設大壇親祀天地自是每歲四
仲王祭天及五帝三月高句麗郊承逸王

命掌牲薛支追之至國內尉那巖得之還見
王曰臣至尉那巖見其山水深險地宜五穀
又多麋鹿魚鼈王若移都不唯民利無窮可
免兵革之患王然之秋九月高句麗王如

國內審地形

癸亥

漢元始三年新羅始祖六十年高句麗王二十二年百濟始祖二十一年冬十

月高句麗王徙都國內築尉那巖城十二月

王田于贊山五日不返大輔陝父諫曰王新

移都邑民不按堵宜德政是恤而馳騁田獵
久而不返若不改過臣恐政荒民散先王之

甲子

業墜地王怒罷陝父職陝父出奔南韓

漢元始四年新羅始祖二十一年南解王元年高句麗琉璃王二十三年百濟始祖二十

二年春二月高句麗王立子解明為太子大赦

三月新羅王赫居世薨越七日王妃閼婁

薨太子南解立獬次次雄稱元

金富軾曰人君即位踰年稱元其法詳於

春秋此先王不刊之典也伊訓曰成湯既

歿太甲元年正義曰成湯既歿其歲即太

甲元年然孟子曰湯崩太丁未立外丙二

年仲壬四年則疑若尚書之脫簡而正義

之誤說也或曰古者人君即位或踰月稱
元年或踰年而稱元年踰月而稱元年者
成湯既歿太甲元年是也孟子云大丁未
立者謂大丁未立而死也外丙二年仲壬
四年皆謂之大丁未立太甲二兄或生二
年或生四年而死太甲所以得繼湯耳史
記便謂此仲壬外丙為二君謬也由前則
以先君終年即位稱元非是由後則可謂
得商人之禮者矣

權近曰按三國古史皆以先王薨年為嗣

王元年高麗臣金富軾撰三國史因而不
革然其論曰人君即位踰年稱元此先王
不刊之典也以先君終年即位而稱元非
是矣今斷以君薨明年為嗣王元年庶不
失春秋一年不兩君之義也

臣等按國君嗣世踰年改元乃禮之正若
改元於薨年則是一年之內國有二君也
漢儒惑於書序之文乃以湯崩踰月為太
甲元年蘇氏以為崩年改元亂世事也胡
氏蔡氏亦辨之已詳富軾又以漢儒之說

為是何邪攢近史略改舊史踰年稱元庶
幾得春秋之義然三國史上下一千載間
編年紀事例以薨年為元今若捨舊史從
史略則其紀事頗有抵牾失實也故因舊
史而書之

新羅葬始祖于蛇陵○秋七月樂浪兵圍新
羅金城王謂左右曰二聖棄國孤以否德謬
居君位今隣國來侵奈何左右曰賊幸我有
喪敢以兵來天必不祐賊果退○九月百濟
王帥騎一千獵斧峴東猝遇靺鞨一戰破之

虜獲生口分賜將士

漢王莽居攝元年新羅南解王三年高句麗王二十五年春

正月新羅立始祖廟○秋七月百濟立熊川

柵馬韓王遣使責曰王初渡河無所容足吾

割東北百里之地界之其待王不為不厚宜

思有以報之今以國完民聚謂我莫與敵大

設城池侵犯我封疆如義何王慙遂壞之

漢二王莽居攝二年新羅南解王四年高句麗王二十六年春

二月百濟王宮井水暴溢漢城人家馬生牛

一首二身日者曰井溢者大王勃興之兆牛

辰戌

一首二身者大王并隣國之應也王喜遂有并吞辰馬之心

漢三莽初始元年新羅南解王五十年高句麗王二十七年百濟始祖一十六年春

正月新羅王以長女妻昔脫解脫解本多婆那國人國在倭國東北一千里初其國王娶女國王女為妻有娠七年生大卵王以不祥棄之女裹以帛并寶物置櫝中浮海任所之初至金官國海濱人怪之不取轉至辰韓阿珍浦口有老嫗繩之開櫝有兒存遂養之及壯身長九尺風神秀朗智識過人以櫝始來

有鵲隨鳴省鵲以昔為氏以解櫝而出名脫
解業漁釣養姬無怠色姬曰子骨相殊異非
常人宜力學立功名脫解遂精專學問兼通
地理望楊山下瓠公宅為吉地以計取而居
之南解王聞其賢以其女妻之○三月高勾
麗太子解明如黃龍國而還初王遷都解明
不肯徙留在古都有力好勇黃龍國王遣使
贈強弓解明對其使驚折之曰非子有力弓
自不勁耳黃龍王慙麗王聞之怒使告黃龍
王曰解明為子不孝請為寡人誅之至是黃

龍王遣使請太子相見太子欲行有諫者曰
今隣國無故請見意不可測太子曰天之不
欲殺我黃龍王其如我何遂行黃龍王見之
不敢加害禮送之○秋七月百濟王謂諸將
曰馬韓漸弱上下離心勢不能久儻為他有
唇亡齒寒悔不可及不如先人取之冬十月
陽出獵潛師襲之遂并其國唯圓山錦峴二
城固守不下

新羅
麗瑠璃王
始建國元年
新羅南解王
六年
高句麗
春

二月高句麗王遣人謂解明曰吾遷都欲安

新羅南解王
高句麗瑠璃王
百濟始建

民汝不我随恃強力結怨鄰國於子道何乃
賜劒自裁太子欲自殺或止之曰大王長子
已卒太子當為後今使者一至而自殺安知
非詐乎太子曰嚮黃龍王以強弓遺之我怒
其輕我國折之不意見責於父王今父王以
我為不孝賜劒自裁父命可逃乎乃往礪津
東原以槍挿地走馬觸槍而死年二十一以
太子禮葬於東原

金富軾曰孝子之事親也當不離左右以
致孝若文王之為世子解明在於別都以

好勇聞其得罪也宜矣傳曰愛子教之以
義方不納於邪今王始未嘗教之及其惡
成疾之已甚殺之而後已可謂父不父子
不子矣

夏四月馬韓圓山錦峴二城降于百濟移其
民於漢山馬韓亡

國等按周武王己卯封殷太師箕子于朝
鮮都平壤相繼歷九百餘年至四十代孫
否當始皇二十六年庚辰畏秦服屬焉否
死子準立後二十九年漢惠戊申燕人衛

新羅南解王

高句麗瑠璃王

百濟始祖

滅亡命聚黨攻之準浮海而南至金馬郡
都之稱馬韓統五十餘國歷四郡二府之
時傳世亦二百年至是為百濟所滅箕氏
相傳通前後蓋千有餘年矣其傳世之久
至於如此夫豈無自而然哉蓋我箕子以
明疇之學高不臣之志歛而東歸敷八條
之教行井田之制其深仁厚澤足以團結
民心而壽國脉於綿遠者矣吾東方禮俗
之美聞於天下夫子有欲居之志漢史稱
仁賢之化唐書美君子之國宋朝以為禮

樂文物之邦涵虛子亦曰詩書仁義之國也則吾箕子過化存神之妙惠我東邦者歷千萬祀而如一日也惜其載籍無傳文獻不徵也今馬韓之滅金富軾權近皆不言箕君終始何耶以箕子之聖之德子孫微弱播遷一朝不祀忽諸不亦悲乎

秋八月扶餘王帶素遣使讓高勾麗王曰我先王與先君東明相好而乃誘我臣僚逃至于南以立國夫國有大小人有長幼以小事大禮也以幼事長順也今王能禮順事我天

必祐之不然欲保社稷難矣王自以立國日
淺民孱兵弱示屈以圖後效報曰寡人僻在
海隅未聞禮義今奉命敢不唯教時王子無
恤尚幼聞王失對自見扶餘使者曰我先祖
生而神異賢且多才大王讒諸父王辱先祖
以牧馬先祖見幾而出今大王不念前愆但
恃兵強輕蔑我邦請使者歸報大王今有累
卵於此若大王不毀其卵則吾將事之不然
則否帶素聞之徧問羣下莫有對者有老嫗
對曰累卵者危也不毀者安也其意若曰王

不知自危而欲人之事已不如易危以安而自理也

始建國二年新羅南解王七年高勾麗王二十九年百濟始祖二十八年春二

月百濟立元子多婁為太子○秋七月新羅

又脫解為大輔委以軍國政事

始建國四年新羅南解王九年高勾麗王三十一年百濟始祖三十年王莽

殺高勾麗兵伐胡高勾麗不欲行強迫遣之

皆亡出塞因侵遼西太伊田譚追擊之為所

殺莽怒討之嚴尤奏言麗人犯法宜令州郡

慰安之今彼以大罪恐其遂叛扶餘之屬必

新羅南解王 高勾麗王 百濟始祖

癸酉

中

有和之者且匈奴未克扶餘滅貊復起此大
憂也莽不聽詔尤擊之尤誘高句麗將侯雛
斬之傳首京師莽悅降封高句麗王為下句
麗侯布告天下於是侵漢邊地愈甚

始建國五年新羅南解王十年高句麗
琉璃王三十二年百濟始祖三十二年冬十

一月扶餘侵高句麗王使子無恤帥師禦之
無恤以兵少恐不能敵設奇伏于山谷待之
扶餘兵直至鶴盤嶺下伏截擊其不意扶餘
軍大敗棄馬登山無恤縱兵盡殺之

天鳳元年新羅南解王十一年高句麗
琉璃王三十三年百濟始祖三十二年春正

丙子

庚寅

月高勾麗王立子無恤為太子○秋八月高
 勾麗王遣烏伊摩離領兵二萬西伐梁貊滅
 之○倭侵新羅邊郡新羅葢六部勁兵千人
 以禦之樂浪乘虛攻金城急夜有流星墜於
 賊營賊懼而退屯關井上造石堆二十而去
 六部兵追者至關川見石堆知賊衆乃止
天鳳三年新羅南解王十三年高勾麗
留萬王三十五年百濟始祖三十四年
 月馬韓舊將周勤起兵據百濟牛谷城王帥
 兵五千討之周勤自經腰斬其尸并殺妻子
天鳳五年新羅南解王十五年高勾麗
王三十七年大武神王元年百濟始祖三十

新羅南解王
 高勾麗南解王
 百濟始祖

己卯

庚辰

六年夏高句麗所屬七國投新羅○冬十月高

句麗王類利薨號瑠璃明王太子無恤立

天鳳六年新羅南解王十六年高句麗大武神王二年百濟始祖三十七年夏四

月百濟旱至六月乃雨漢水東北部落饑亡

入高句麗者千餘戶涓帶之間空無居民

地皇元年新羅南解王三十七年高句麗大武神王三年百濟始祖三十八年春二

月百濟王巡撫境內東至走壤北至涓河五

旬而返又蒞使勸農桑除不急擾民之事○

三月高句麗立東明王廟○冬十月扶餘王

帶素遣使高句麗送赤鳥一頭二身初扶餘

人得烏獻王或曰烏本黑變而赤又一頭二
身并二國之徵王其兼高句麗乎帶素喜送
之兼示或者之言王報曰黑者北方之色今
變為南方之色又赤烏瑞物也君得而不有
送於我兩國存亡未可知也帶素悔之○百
濟王築大壇祀天地

地皇三年

新羅

百濟

始祖

四十年

春

二月

高句麗王

高句麗王攻殺扶餘王帶素先是麗王帥師
抵利勿林夜聞金聲尋得金璽兵器等物曰
天賜也拜受之道遇一人身長九尺面白而

目有光拜王曰臣是北溟人怪由竊聞大王
北伐扶餘臣請從行取扶餘王頭王悅許之
至是進軍於扶餘國南其地多泥淖王使擇
平地為營解鞍休卒扶餘王自率衆出戰欲
掩其不備策馬以前陷泥淖不能進退麗王
揮怪由進怪由拔劍號吼擊之敵皆披靡不
能支怪由直進斬扶餘王頭扶餘人猶不屈
圍麗兵數萬麗王以糧盡士饑不知所為忽
大霧咫尺不辨人物七日王令作偶人執兵
器列營內外為疑兵從間道潛軍夜出既還

乃會羣臣飲至曰孤以不德輕伐扶餘雖殺
其王未滅其國而又多失我軍資此孤之過
也遂親吊死問疾以存慰百姓國人感悅○
夏四月扶餘王帶素之弟自立為王王金蛙
季子史失其名至是立都於曷思水濱秋七
月帶素從弟謂國人曰我先王身亡國滅民
無所依王弟不念圖存逃竄出外都於曷思
吾亦不肖無以興復乃與萬餘人投高勾麗
王封為王置椽那部以其背有絡文賜姓絡
氏○冬十月高勾麗將怪由率怪由疾革土

親臨存問怪由言臣北溟微賤之又猥蒙厚
恩雖死猶生不敢忘報身卒王念前効命有
司葬北溟山陽以時祀之○韓韓襲百濟齊
峴城殺掠百餘人王命勁騎二百拒擊之
漢劉玄更始元年新羅南解王二十一年高春
勾麗大武神王六年百濟始祖四十年
正月百濟右輔乙音卒以北部解婁代之解
婁本扶餘人也神識淵奧年過七十膂力不
愆

漢更始二年新羅南解王二十一年儒理王
元年高勾麗大武神王七年百濟始祖四十
二年秋新羅王南解薨太子儒理立南解將薨

謂儒理及婿皆脫解曰吾死後爾朴皆二姓
以年長嗣位焉及薨儒理以脫解有德望讓
之脫解曰神器非庸人所堪吾聞聖智人多
齒試以餅啗之儒理齒理多乃立之彌尼師
今

漢光武建武元年新羅儒理王二年高句秋
麗太武神王八年百濟始祖四十二年

九月百濟鴻鴈羣集王宮日者曰鴻鴈民之
象也將有遠人來投者乎冬十月南沃沮仇
頗解等二十餘家至斧壤納款王置之漢山
西

新羅儒理王高句麗太武神王百濟多婁

戊丙

亥丁

子戊

漢建武二年新羅儒理王三年高勾麗冬十

月高勾麗王伐蓋馬國殺其王以其地為郡

縣十二月勾茶國王聞蓋馬滅懼舉國來降

高勾麗之地浸廣

漢建武三年新羅儒理王四年高勾麗春正

月高勾麗以乙豆智為左輔松屋勾為右輔

漢建武四年新羅儒理王五年高勾麗大武

年春二月百濟始祖溫祚薨太子多婁立○

秋七月漢遼東太守將兵伐高勾麗王會羣

臣問戰守之計右輔松屋勾曰臣聞恃德者

呂恃力者亡今中國荒儉盜賊蜂起而兵出
無名此必邊將規利擅侵吾邦逆天違人師
必無功憑險出奇破之必矣左輔乙豆智曰
小敵之強大敵之禽也臣度大王之兵孰與
漢兵之多可以謀伐不可力勝王曰謀伐若
何對曰今漢兵遠聞其鋒不可當大王閉城
自固待其師老出而擊之可也王然之入尉
郿巖城固守數旬漢兵圍不解王以力盡兵
疲謂豆智曰勢不能守為之奈何豆智曰漢
軍謂我城為巖石必無水泉久圍待疲宜取

池魚包水草蕪以酒致犒王從之貽書曰寡人愚昧獲罪上國致令將軍帥百萬之軍暴露弊境無以荅厚意敢用薄物致供於左右於是漢將謂城內有水不可猝拔乃報曰皇帝不以臣驚下令出師問罪及境踰旬未得要領今聞來旨言順且恭敢不以此歸報遂引還○冬十一月新羅王巡國內見一老嫗凍餒將死王曰予以眇躬居上不能養民使老幼至於此極賜衣及食仍命有司存問鰥寡孤獨老病不能自活者賑給之隣國百姓

辰二

卯三

辰二

聞而來者衆

漢建武六年新羅儒理王七年高勾麗冬十
大武神王十三年百濟多婁王三年

月百濟東部屹于與靺鞨戰於馬首山西克

之校獲甚衆王喜賞屹于馬十匹租五百石

漢建武七年新羅儒理王八年高勾麗秋八
大武神王十四年百濟多婁王四年

月百濟高木城昆優與靺鞨戰大克之斬首

一百餘級

漢建武八年新羅儒理王九年高勾麗春新
大武神王十五年百濟多婁王五年

羅改六部之名仍賜姓以楊山部為梁姓李

高婁部為沙梁姓崔大樹部為漸梁姓孫于

新羅儒理王高勾麗大武神王百濟多婁王

部為本彼姓鄭加利部為漢祗姓裴明
部為習比姓薛王既定六部中分為二使王
女二人各率部內女子自秋七月既望每日
早集大部之庭續麻夜分而罷至八月十五
日考其功之多少負者置酒食以謝勝者相
與歌舞百戲皆作謂之嘉俳○新羅設官有
十七等一曰伊伐食二曰伊尺食三曰迎食
四曰波珍食五曰大阿食皆授真骨真骨王
族也六曰阿食自重阿食至四重阿食七曰
一吉食八曰沙食九曰級伐食十曰大柰麻

自重大奈麻至九重重大奈麻十一曰奈麻自
重奈麻至七重奈麻十二曰大舍十三曰舍
知十四曰古士十五曰大鳥十六曰小鳥十
七曰造位○二月高勾麗以南部使者鄒敦
素為涕流部長初仇都逸苛焚永三人為涕
流部長性貪鄙奪人妻妾財貨恣其所欲有
不與者輒之人懷忿怨王以始祖舊臣不忍
致法只令廢為庶人以敦素代之敦素作大
室以自處以仇都等罪人不令升堂三人詣
敦素謝曰吾儕小人犯王法不勝愧悔公

赦過使得自新則死無恨矣敦素引與之坐
曰人孰無過過而能改則善莫大焉乃許為
友仇都等感愧不復為惡王聞之曰敦素不
用威嚴能以智懲惡可謂賢矣賜姓曰大室
氏○夏四月高勾麗襲樂浪降之先是王子
好童遊於沃沮樂浪主崔理適見之謂好童
曰相君之貌必非常人遂同歸妻以女樂浪
有鼓角若有敵兵則自鳴好童將還潜謂女
曰若能入武庫割破鼓角則我以禮迎之女
潛入武庫割鼓面角口以報好童好童歸勸

王蒙樂浪崔理以鼓角不鳴不設備麗兵奄
至城下乃知鼓角皆破遂殺女出降○冬十
一月高句麗王子好童自殺初王納曷思王
孫女為妃生好童容貌美好王竒愛之故名
好童元妃恐奪嫡譏於王曰好童欲無禮於
妾王曰善以他產而疾之乎妃見王不信恐
取禍更泣告曰請大王密察之妾若不實妾
當伏罪於是王不能不疑將罪之或謂好童
曰何不自釋乎好童曰我若釋之是顯母之
惡貽父之憂可謂孝乎遂伏劍死

金富軾曰：「王信諛言殺無辜之愛子其
不仁不足道矣而好童不得無罪何則？子
之見責於其父也宜若舜之於瞽叟小杖
則受大杖則走期不陷父於不義好童不
知出此而死非其所可謂執於小謹而昧
於大義其公子申生之譬耶？」

十二月高句麗王立子解憂為太子遣使朝
漢帝復其王號

東國通鑑卷之一

東國通鑑卷之二

三國紀

新羅

高勾麗

百濟

巳癸

漢建武九年新羅儒理王十年高勾麗
大武神王十六年百濟多婁王六年春正

月百濟王立元子已婁為太子赦○二月百

濟下令國南州郡始作稻田

漢建武十年新羅儒理王十一年高勾麗
麗大武神王十七年百濟多婁王七年春二

月百濟右輔解婁卒年九十以東部屹于代

之○秋九月蘇軻攻陷百濟馬首城火之

漢建武十三年新羅儒理王十四年高勾
麗大武神王二十年百濟多婁王十年冬

酉丁

午甲

高句麗襲樂浪滅之樂浪人五千與帶方人

投新羅新羅分置六部

漢建武十六年新羅儒理王十七年高句麗大武神王二十三年百濟多婁王十三年

秋九月華麗不耐二縣連兵犯新羅北境貊

國渠帥以兵要曲河西敗之王喜與貊國結

好

漢建武十八年新羅儒理王十九年高句麗大武神王二十五年百濟多婁王十五年

春三月駕洛國始祖金首露立初駕洛有九

于曰我刀曰汝刀曰彼刀曰五刀曰留水曰

留天曰神天曰神鬼曰五天各總其衆為首

新羅儒理王高句麗大武神王百濟多婁王

長聚居山野無君臣位號九千修狹事適見
龜峯有異氣且聞空中語就得金合開視之
有六金卵不日皆化為男奇偉長大衆皆驚
異推立始生者為主因金卵姓金氏以始見
名首露國號大駕洛又稱伽耶餘五人各為
五伽耶主曰阿羅伽耶曰古寧伽耶曰大伽
耶曰星山伽耶曰小伽耶駕洛後改稱金官
○新羅伐伊西國滅之

漢建武二十年新羅儒理王二十一年高句
麗大武神王二十七年閔中王元年百濟多
婁王十春二月駕洛築都城營宮室○秋九
七年

巳乙

午丙

月漢遣兵渡海伐樂浪取其地為郡縣薩水

以北屬漢○冬十月高勾麗王無恤薨彌大

武神王太子解憂年幼國人立王弟解邑朱

漢建武二十一年新羅儒理王二十二年春高勾麗閔中王二十二年百濟多婁王十八年

三月高勾麗宴羣臣

漢建武二十二年新羅儒理王二十三年秋高勾麗閔中王二十三年百濟多婁王十九年

七月高勾麗東狩獲白獐

權近曰為之後者為之子今閔中嗣無恤

而王則當以父事無恤矣喪未數月而與

羣臣宴未及祥期而又狩獵其失自著矣

新羅儒理王高勾麗閔中王慕大王百濟多婁王

漢建武二十三年新羅儒理王二十四年高句麗閔中王四年百濟多婁王二十年百

四月高句麗王田於閔中原秋七月又田于

閔中見石窟謂左右曰吾死必葬於此不須

更作陵墓○冬十月高句麗蠶支部落大家

戴升等萬餘家因樂浪投漢

漢建武二十四年新羅儒理王二十五年高句麗閔中王五年慕本三元年百濟多婁王

二十一年春高句麗王解邑朱薨踰閔中王太子

解憂立暴戾不仁不恤國事百姓怨之○百

濟左輔屹于卒王哭之甚哀○秋七月駕洛

國王金首露納許氏為妃○冬十月高句麗

王立子弼為太子

漢建武二十五年新羅儒理王二十六年高句麗慕本王二十二年三濟多婁王二十二年

春高句麗遣將襲漢北平漁陽上谷大原遼

東太守蔡彤以恩信待之乃復和親

漢建武二十七年新羅儒理王二十八年高句麗慕本王二十四年

高句麗王暴虐日增居常坐必籍人卧則枕

之人或動搖輒殺之臣有諫者射之

李詹曰君臣一體相須以安當以禮而相

接以恩而相愛者也屢王解憂凶狠無道

常坐卧於人動搖則輒殺之罪惡彌天不

新羅儒理王高句麗慕本王百濟多婁王

可諫止矣其敢言者必是見危授命殺身
成仁者也解憂徒惡其忤己而不知愛己
之心出於至難也草薶而禽獮之暴戾孰
甚焉自古非大無道之君未有輕殺諫臣
者陳靈公之殺洩冶陳後主之殺傅縡唐
僖宗之殺常璿皆在三國垂亡之日而春
秋綱目直書其事以著其所以亡解憂亦
未久而為內豎杜魯所弑且其世子不肖
廢不得立然則將失天下與國家者當以
此卜之

漢建武二十九年新羅儒理王三十年高勾
 麗太祖王六年太祖王元年百濟多婁王二十
 十六冬十一月高勾麗杜魯弒其君解憂魯
 慕本人侍王左右慮禍及已乃哭或曰子夫
 也何哭為古人曰撫我則后虐我則讎今王
 行虐以殺入百姓之讎也爾其圖之魯藏刀
 近王王引而坐遂弒之太子翊不肖不足以
 主社稷國人迎琉璃王子再思之子宮立之
 宮生而能視幼而岐嶷年七歲太后垂簾聽
 政太后扶餘人也

漢中元元年新羅儒理王三十三年高勾
 麗太祖王四年百濟多婁王二十九年秋

新羅脫解王

高勾麗太祖王

百濟多婁王

七

七月高句麗伐東沃沮取其地為邑於是拓境東至滄海南至薩水

漢中元二年新羅儒理王三十四年脫解王元年高句麗太祖王五年百濟多婁王三十

年冬十月新羅王儒理薨昔脫解立葬王于蛇陵先是王不豫謂臣僚曰脫解身聯國戚位處輔臣屢著功名朕之二子其才不及且有先君之命吾死之後俾即大位以無忘遺訓至是即位

權近曰自夏后氏以來有國家者必傳其子不惟憂後世爭之之亂也所以重宗祀

也傳之異姓則謂之革命而祖廟不血食
矣南解王欲傳於脫解而儒理相讓先立
從其亂命而卒傳之其不識輕重甚矣若
曰雖傳異姓祖廟尚存則神固不享非類
矣其可謂之血食乎若以堯舜之禪讓為
言則堯舜之禪讓以天下為公為天下得
人也南解之傳子壻以國家為私不分子
壻之輕重而欲傳之安敢藉以為言哉
李詹曰三代以後帝王相繼之次第皆以
一姓相傳為法故漢高祖始有天下約曰

非劉氏而王者天下共擊之新室之末光
武中興及漢又衰雖天下不分劉備猶以
中山靖王之後得為三國之正統新羅傳
係則不然南解王朴氏將薨謂其男儒理
與其壻昔脫解曰我死無論子壻年長且
賢者立之故脫解王繼儒理之後七世而
助賁王以奈解遺命立之二世而味鄒王
金氏以助賁之壻嗣位凡三易姓而其傳
受之際先誦先王之訓以為受命之符略
無疑忌之辭以基一千年悠久之業然亦

止於一方傳國之家法耳不足與天下共
論也

臣等按始皇立而秦祚已滅元帝立而晉
祀亦絕何則以呂繼嬴以牛繼馬雖謂之
易代可也獨惜乎當時無直筆後世喜因
循皆以秦晉書之論其實則漢宋未興而
秦晉已滅矣南解之遺教以朴昔年齒承
襲是殊不知國家神器不可以輕易與人
也而昔氏興則朴氏之不祀必矣况南解
之顧命非堯禪舜受舜禪禹受之比出於

年虎

一時姑息之恩非國家萬世大計也奈何
儒理從父亂命與脫解相讓不辨之於早
乎考其歸與燕噲之讓亦無幾矣今日僅
得嗣位而明日已為昔氏之有雖一再傳
而朴氏又興又一再傳而金氏代興新羅
歷年一千年之間三姓相傳朴氏為王者
十昔氏為王者八金氏為王者三十八是
則新羅者金氏之新羅非朴昔之新羅豈
不由於南解之亂命儒理之處不得宜乎

漢明帝永平元年新羅脫解王二十二年高句春
麗太祖王六年百濟多婁王三十一年

癸亥

甲子

丑

正月新羅以甄公為大輔

漢永平六年新羅脫解王七年高句麗太祖王十一年百濟多婁王三十一年冬十

月百濟王侵新羅娘子谷城仍遣使請會新

羅不許

漢永平七年新羅脫解王八年高句麗太祖王十一年百濟多婁王三十七年秋八

月百濟王遣兵攻新羅西鄙蛙山城不克冬

十月又攻狗壤城新羅發騎兵二千逆擊走

之

漢永平八年新羅脫解王九年高句麗太祖王十三年百濟多婁王三十八年春三

月新羅王得小兒閼智養以為子王夜聞金

新羅脫解王二年高句麗太祖王百濟多婁王

城西始林間有鷄聲遲明遣執公視之有金
色小犢掛樹梢白鷄鳴於下執公還告王使
人取犢開之有小男兒在其中姿貌奇偉王
喜謂左右曰此豈非天祚我以胤乎名闕智
闕智鄉言小兒之稱以其出於金犢姓金氏
有鷄怪改始林名鷄林因以為國號

擢近曰天道流行萬物化生栽培傾覆而
已安有金犢盛兒降之林中鷄鳴報人之
事乎豈非奸人見王以其生神異而得國
故亦欲神異其子立以為後行詐而盜國

如黃歇不韋之元者歟王乃惑於金橫白
鷄而神之養以為子且更國號遂使其異
姓曖昧之後裔得有其國家南解既失於
前而脫解又失於後其不智甚矣

漢永平十九年新羅脫解王十年高句麗百濟
太祖一十四年百濟多婁王三十九年

攻新羅蛙山城拔之留二百人守之新羅復

伐取之

漢永平十年新羅脫解王十一年高句麗春正
麗太祖王十五年百濟多婁王四十年

月新羅以宗戚朴氏分理州郡號為州主郡

主

新羅脫解王高句麗太祖王百濟多婁王

戊辰

乙未

癸酉

甲戌

漢永平十一年新羅脫解王！一年高勾麗太祖王十六年百濟婁王！四卜一年秋

八月曷思王孫都頭以國降于高勾麗以都

頭為子台

漢永平十五年新羅脫解王十六年高勾麗太祖王二十年百濟婁王四十五年春

二月高勾麗遣貫那部沛者達賈伐藻那虜

其王

漢永平十六年新羅脫解王十七年高勾麗太祖王二十一年百濟婁王四十六年

夏五月倭侵新羅木出島王遣角干羽烏樂

之不克死之

漢永平十七年新羅脫解王十八年高勾麗太祖王二十二年百濟多婁王四十七年

乙亥

丙子

丁丑

戊寅

秋八月百濟侵新羅新羅遣兵拒之○冬十月
高句麗遣桓那部沛者薛儒伐朱那虜其
王子乙音為古鄒加

漢末平十八年新羅脫解王十九年高句麗
太祖王二十三年百濟多婁王四十八年

冬十月百濟攻新羅蛙山城拔之

漢章帝建初元年新羅脫解王二十年高句
麗太祖王二十四年百濟多婁王四十九年

秋九月新羅遣兵伐百濟復取蛙山城殲百

濟守者二百餘人

漢建初二年新羅脫解王二十一年高句麗
太祖王二十五年百濟多婁王五十年己婁

王元秋八月新羅阿食古門與加耶兵戰於

新羅脫解王高句麗太祖王百濟多婁王

黃山津口獲一千餘級以吉門為波珎食○
九月百濟王多婁薨太子已婁立○冬十月
扶餘以三角鹿長尾兔獻高句麗王以為瑞
大赦

李詹曰時和歲豐為上瑞苟不然則雖天
降甘露地出醴泉不足以為瑞也況物反
常者乎夫鹿與兔澤居而奔穴處而伏陰
類也今茲三其角而長其尾陰道極而變
其常也是妖也非瑞也太祖享國日久終
致二子之禍此豈其兆也其後紫獐赤豹

之獲亦何補於治道哉太祖不以此恐懼
修省以弭其災反以為瑞乃宥境內殊無
意謂也

漢建初四年新羅脫解王二十三年高句麗
太祖王二十七年百濟已婁王三年春

新羅擊千尸山居漆山二國滅之初二國居
隣境頗為國患新羅命居道為邊官居道志
欲并吞二國常集羣馬於張吐野日使兵士
馳走為戲稱為馬技兩國人習見以為常不
為備於是起兵滅之

漢建初五年新羅脫解王二十四年
高句麗太祖王二十八年百濟已婁王

新羅婁婁王高句麗太祖王百濟已婁王

四年秋八月新羅王脫解毫率壤井丘需旦三

第二子婆婆立

壬午

漢建初七年新羅婆婆王三年高勾麗太祖王三十年百濟己婁王六年春正月

新羅令曰今倉廩空匱戎器不堅利儻有水旱之災邊鄙之警其何以禦之宜令有司勸

農桑鍊兵革以備不虞

甲申

漢元初元年新羅婆婆王五年高勾麗太祖王三十二年百濟己婁王八年新羅

大有年行著不齎糧

丁亥

漢章和元年新羅婆婆王八年高勾麗太祖王三十五年百濟己婁王十一年秋七

月新羅令曰國家西隣百濟南接加耶朕德

庚寅

癸巳

甲午

不能綏威不能聳宜繕葺城壘以備不虞乃
築加名馬頭二城

漢和帝永元二年新羅婆娑王十一年高句麗太祖王三十八年百濟已婁王十四年

秋七月新羅分遣十人廉察州郡主不勤職

事田野多荒者黜之

漢永元五年新羅婆娑王十四年高句麗太祖王四十一年百濟已婁王三十七年春

二月新羅王幸古所夫里郡問高年賜穀

漢永元六年新羅婆娑王十五年高句麗太祖王四十二年百濟已婁王十八年春

二月加耶兵圍新羅馬頭城新羅遣阿含吉

元將騎兵一千擊走之

新羅婆娑王

高句麗太祖王

百濟已婁王

甲丙

酉丁

丑辛

漢元八年新羅婆娑王十七年高句麗秋

九月加耶入襲新羅南鄙新羅遣加城主長

世拒之戰敗死王怒親率勇士五千出戰破

之虜獲甚多

漢元九年新羅婆娑王十八年高句麗春

正月新羅舉兵欲伐加耶加耶國主遣使謝

乃止

漢元十三年新羅婆娑王二十二年高句麗

春二月新羅築城於金城東南號月城或號

在城周一千二十三步秋七月王移居新城

漢永元十四年新羅婆娑王二十三年高句麗太祖王五十年百濟己婁王二十六年

秋八月音汁伐國與悉直谷國爭疆詣新羅請決王難之謂金官國首露王年老多智識召問之首露立決以所爭之地屬音汁伐國於是王命六部以饗首露五部皆以伊飡擯之惟漢祗部以位卑者擯之首露怒命奴挽下里殺漢祗部主保齊而歸奴逃依音汁伐主施鄒干家王使人索其奴施鄒不送王怒以兵伐音汁伐國其主與衆自降○悉直押督二國降于新羅

巳乙

午丙

申戊

酉己

漢元興元年新羅婆娑王二十六年高勾麗
太祖王五十三年百濟已婁王二十九年

春正月百濟遣使新羅請和○高勾麗王遣

將入漢遼東掠六縣太守耿夔出兵拒之高

勾麗軍大敗

漢陽帝延平元年新羅婆娑王二十七年高
勾麗太祖王五十四年百濟已婁王三十年

春正月新羅王率押督賑貧三月乃還

漢安帝永初二年新羅婆娑王二十九年高
勾麗太祖王五十六年百濟已婁王三十二年

夏五月新羅大水民飢發使十道開倉賑

之○新羅遣兵伐比只多伐草八三國并之

漢永初三年新羅婆娑王三十年高勾麗
太祖王五十七年百濟已婁王三十三年春

正月高勾麗遣使如漢賀加元服○秋新羅有年是年蝗害穀王通祭山川以祈之蝗滅歲遂稔

臣等按國以民為本民以食為天為人君者苟知民之為邦本食之為民天則其所施為自不外於仁政矣今王勵精為治三十三年之間勸民農桑問年賜穀田野多荒則黜其吏水旱蝗災則賑其窮凡所以字民之政史不絕書專務恭儉期致殷富求之前代其漢文之流亞也歟歲再有年

子丑

丑癸

卯乙

蝗不為災豈無自而然耶伽倻懷德百濟
請和悉直押督諸國亦盡讐服皆王發政
施仁務農重本之効也

漢永初六年新羅婆娑王三十三年祇摩王
元年高勾麗太祖王六十年百濟已婁王三
十六年冬十月新羅王婆娑薨太子祇摩立

漢永初七年新羅祇摩王二年高勾麗太
祖王六十一年百濟已婁王三十七年春

三月百濟遣使聘新羅

漢元初二年新羅祇摩王四年高勾麗太
祖王六十三年百濟已婁王三十九年春

二月加耶國寇新羅南邊○秋七月新羅王

伐加耶國師渡黃山河加耶伏兵發圍王數

丙辰

戊午

重王奮擊決圍而退

漢元初三年新羅祇摩王五年高勾麗太祖王六十四年百濟已婁王四十年秋八

月新羅王先遣將侵加耶帥精兵一萬繼之

加耶嬰城固守會久雨乃還

漢元初五年新羅祇摩王七年高勾麗太祖王六十六年百濟已婁王四十二年夏

六月高勾麗王與濊貊襲漢玄菟攻華麗城

濊貊本朝鮮之地南與辰韓北與高勾麗沃

沮接東窮大海西至樂浪漢武帝元朔五年

濊君南閭畔朝鮮率二十八萬人詣遼東降

以其地為滄海郡數年乃罷建武中封其渠

新羅祇摩王高勾麗太祖王百濟已婁王

酉辛

師為縣侯皆歲時朝貢其言語法俗大抵與
高勾麗同人性愚慙少嗜欲有廉恥衣服異
於他國同姓不婚不以珠玉為寶邑落有侵
犯者責出生口牛馬又有軍征調賦如中國
焉○秋八月高勾麗命有司舉賢良孝順問
經寡孤獨及老不能自存者給衣食

漢建光元年新羅祇摩王十一年高勾麗太祖
祖王大十九年百濟已婁王四十五年

漢幽州刺史馬煥玄菟太守姚光遼東太守

蔡諷等將兵侵高勾麗擊殺滅貊渠帥盡獲
兵仗財物王乃遣弟遂成領兵二千餘人逆

煥光等遂成遣使詐降煥等信之遂成因據險以遮大軍潛遣三千人攻玄菟遼東二郡焚其城郭殺獲二千餘人○高句麗王與鮮卑八千人侵漢遼隊縣遼東太守蔡諷將兵戰於新昌敗績功曹掾龍端兵馬掾公孫蒲以身扞諷俱歿於陣死者百餘人○冬十一月高句麗王以其衆遂成統軍國事

臣等按魯隱公命羽父帥師終致鍾巫之變莊公以慶父主兵率名武闡之禍蓋羽父慶父皆魯同姓貴戚之卿春秋傳所謂

難馭於異姓之卿者是也麗王老耄親勞
遂成位長百僚專擅威福有全將之心又
使之統軍國重事以長其惡何耶王既嘗
勤將欲及其弟大臣高福章極陳不可王
又不聽以神器之重付之不弟之手愛子
大臣旋被誅戮禍延宗社由王不能辨之
早謹於微也其得免鍾巫武闇之禍幸矣
十二月高勾麗王率馬韓濊貊一萬餘騎進
圍玄菟城扶餘王遣子尉仇台領兵二萬與
漢兵并力拒戰高勾麗軍大敗

戊壬

亥癸

丑乙

漢延光元年新羅祗摩王十一年高勾麗太祖王七十年百濟己婁王四十六年秋

高勾麗王與馬韓滅貊侵遼東扶餘王遣兵

救之

漢延光二年新羅祗摩王十二年高勾麗太祖王七十一年百濟己婁王四十七年冬

十月高勾麗以沛者穆婁婁為左輔高福章

為右輔令與遂成參政事

漢延光四年新羅祗摩王十四年高勾麗太祖王七十三年百濟己婁王四十九年春

正月靺鞨大入新羅北境殺掠吏民○秋七

月靺鞨又襲新羅大嶺柵過於泥河王移書

百濟請救百濟遣五將軍助之靺鞨退

新羅祗摩王高勾麗太祖王百濟己婁王

戊辰

甲士

漢順帝永建三年新羅祇摩王十七年高勾

蓋婁王五十二年
冬百濟王已婁婁子蓋婁立

漢陽嘉元年新羅祇摩王二十一年高
勾麗太祖王八十年百濟蓋婁王五年秋七

月高勾麗王弟遂成獵於倭山與左右宴貫
那于台彌儒桓那于台茲支留沸沅那皂衣
陽神等陰謂遂成曰初慕本之薨也太子不
肖羣寮欲立王子再思再思以老讓其子者
欲使兄老弟及今王已老而無讓意惟子計
之遂成曰承襲必嫡天下之常道也王今雖
老有嫡子在山豈敢覬覦乎彌儒曰以弟之賢

庚申

丁丑

寅

承兄之後古亦有之子其勿疑左輔沛者穆
度婁知遂成有異心稱疾不仕

漢陽嘉三年新羅祇摩王二十三年逸聖王
元年高勾麗太祖王八十二年百濟蓋婁王
七年秋八月新羅王祇摩薨無子儒理王長子

逸聖立

漢永和二年新羅逸聖王四年高勾麗
太祖王八十五年百濟蓋婁王十年春二

月靺鞨侵新羅燒長嶺五柵

漢永和三三年新羅逸聖王五年高勾麗
太祖王八十六年百濟蓋婁王十一年春二

月新羅置政事堂於金城○三月高勾麗王

弟遂成獵於質陽七日不返遊戲無度秋七

新羅祇摩王高勾麗太祖王百濟蓋婁王

月又獵箕丘五日乃返其弟伯固諫曰禍福
無門惟人所召今子以王之親弟為百寮之
首位極功盛宜以忠義存心禮讓克已上輔
王德下得民心然後富貴可保而禍亂不作
矣今乃流連忘返竊為子危之遂成曰人情
孰不欲富貴歡樂然得之者蓋寡今吾居可
樂之勢而不能肆志將焉用哉不從

漢永

和

四

年

新

羅

逸

聖

王

六

年

高

勾

麗

秋

八

月靺鞨襲新羅長嶺掠民口冬十月靺鞨又
來侵雪甚乃退

庚辰

壬午

漢永初五年新羅逸聖王七年高勾麗春二

月新羅立柵長嶺以防靺鞨

漢漢安元年新羅逸聖王九年高勾麗秋七

月新羅王名羣臣議伐靺鞨伊飡雄宣不可

乃止○九月高勾麗九都地震王夢一豹齧

斷虎尾覺而占之或曰虎者百獸之長豹者

同類而小者也意者王之族類殆有謀絕大

王之後者乎王不悅謂右輔高福章曰我昨

有夢占者之言如此奈何對曰作不善則吉

變為凶作善則災反為福今大王憂國如家

新羅逸聖王高勾麗聖王七年高勾麗聖王十三年

愛民如子雖有小異庸何傷乎

漢建康元年新羅逸聖王十一年高勾麗春
太祖王九十二年百濟蓋婁王十七年

二月新羅令州郡曰農者政本食惟民天其

修堤防闢田野又禁民間用金銀珠玉

漢贊帝本初元年新羅逸聖王十三年高勾
麗太祖王九十四年次大王元年百濟蓋婁

王十九年秋七月高勾麗王弟遂成獵於倭山謂

左右曰王老吾齒亦暮不可坐待願為我計

之左右皆唯唯有一人曰王子有不遜之言

而左右不能直諫可謂姦且諛矣吾欲直言

可乎遂成曰可曰今王賢明內外無異心子

雖有功率羣下姦諛不逞之徒謀欲廢之此
何異以單縷引萬鈞之重乎雖愚者猶知不
可若王子改圖易慮王知王子孝順必有揖
讓之心不然則禍將及也遂成不悅左右曰
王子以王年老恐國祚之危為永圖計此入
妄言禍福若不殺恐漏言致悔也遂成從之
○八月高勾麗王遣將襲漢遼東西安平縣
殺帶方令掠樂浪太守妻子以歸○冬十一
月高勾麗王傳位於弟遂成先是右輔高福
章言於王曰遂成將反請先誅之王曰吾既

亥丁

老遂成有功于國吾將禪位福章曰遂成忍而不仁今日受大王之禪明日害大王之子孫豈可施惠於不仁之弟而貽患於無辜之子孫乎願大王熟計之不聽至是王謂遂成曰吾既老倦於萬機天之曆數在汝躬况汝內參國政外揔軍事久有社稷之功允塞臣民之望吾付托得人乃禪位退老於別宮稱為太祖大王遂成立年七十六

漢桓帝建和元年新羅逸聖王十四年高句麗次大王二年百濟蓋婁王二十年春

二月高句麗以貲那沛者彌儒為左輔○三

月高勾麗王遂成殺右輔高福章福章臨死
嘆曰痛哉冤乎我當時為先朝近臣其可見
賊亂不言哉恨前王不用吾言以至於此今
君甫陟大位宜新政教以示百姓而以不義
殺一忠臣吾與其生於無道之時不如死之
速也乃即刑遠近聞之莫不憤惜

臣等按易曰履霜堅冰至言辨之於早謹
之於微也太祖老耄遂成握重兵二十餘
年植根固樹黨衆其睥睨神器者非一朝
一夕也穆度妻知有二心稱疾不仕王弟

新羅逸聖王高勾麗次子王百濟蓋婁王

伯固極陳禍福又有直士盡言無隱遂遭
殺戮福章為時右輔當炳幾先圖難於其
易為大於其細可也當九都地震之日或
者占夢之時王之於遂成不得無疑問及
福章為福章計者當力陳遂成不臣之狀
上天警告之意盡言極諫王必悔悟矣而
顧乃泛言福善禍淫之說諂辭以悅之使
王無復有疑何耶一失此機後雖請誅吁
亦晚矣竟使遂成窮兇極惡不仁之禍及
於身與家國嗚呼惜哉

戊子

秋七月新羅王命臣寮各舉智勇堪為將帥者○高勾麗左輔穆度婁稱疾退老王以桓那于台葵支留為左輔陞主簿以沸流那陽神為中畏大夫陞于台皆王之故人

漢建和二年新羅逸聖王十五年高勾麗次大王三年百濟蓋婁王二十一年夏四

月高勾麗王遂成殺太祖王元子莫勤其弟莫德恐禍及自縊死

金富軾曰昔宋宣公不立其子與夷而立弟繆公小不忍亂大謀以致累世之亂故春秋大居正今太祖王輕大位以授不仁

之弟禍及一忠臣二愛子可勝歎耶

秋七月高勾麗王田于平儒原白狐隨而鳴
王射之不中問於師巫曰狐者妖獸非吉祥
况白其色尤可恠也然天不能諄諄其言示
以妖恠者欲令人君恐懼修省以自新也君
若修德則可以轉禍為福王曰凶則為凶吉
則為吉爾既以為妖又以為福何其誣耶遂
殺之○新羅封朴阿道為葛文王新羅稱追
封王皆曰葛文王

已亥

漢永興元年新羅逸聖王二十年高勾麗次太王八年百濟蓋婁王二十六年冬十

月新羅宮門災彗星見東方又見東北方

漢永興二年新羅逸聖王二十一年阿達羅王元年高勾麗次太王九年百濟蓋婁王二

十七年春二月新羅王逸聖薨長子阿達羅立

漢永壽元年新羅阿達羅王二十二年高勾麗次太王十年百濟蓋婁王二十八年冬十

月新羅阿食吉宣謀叛事覺奔百濟新羅王

移書請之不從王怒出師擊之百濟諸城堅

壁自守新羅兵糧盡乃歸

金富軾曰春秋時莒僕來奔魯季文子曰

見有禮於其君者事之如孝子之養父母

也見無禮於其君者誅之如鷹鷂之逐鳥

新羅阿達羅王高勾麗新大王百濟蓋婁王

崔也觀營僕不度於善而在於凶德是以
去之今古宣亦姦賊之人百濟王納而匿
之是謂掩賊為藏者也由是失鄰國之和
使民困於兵革其不明甚矣

漢永壽二年新羅阿達羅王四年高句麗麗次大王十二年百濟蓋婁王三十年新羅

置迎日縣初東海濱有人夫曰迎烏妻曰細
烏一日迎烏採藻海濱忽漂至日本國小島
為王細烏尋其夫又漂至其國立為妃時以
迎烏細烏為日月之精至是置縣焉

漢延熹八年新羅阿達羅王十二年高句麗次大王二十年新羅大王元年百濟蓋婁王三

十八年春三月高勾麗前王宮薨於別宮年百

十九歲○冬十月高勾麗明臨答夫弒其君

遂成立王弟伯固初遂成無道伯固恐禍及

已邀于山谷答夫為掾那皂衣因民不忍弒

遂成於是左輔葵支留與羣臣議遣人迎伯

固及至葵支留獻璽曰先君雖有子不克負

荷天人之心歸于至仁請即尊位伯固三讓

而後即位年七十七號遂成曰次大王

漢延熹九年新羅阿達羅王十三年高勾麗
新大王二年百濟蓋婁王三十九年肖古王

元年春正月高勾麗王令曰寡人生忝王親本

新羅川達羅王高勾麗新大王百濟蓋婁王

非君德向屬友于之政頗乖貽厥之謨畏害
遠遯泊聞凶訃但極哀摧豈謂百姓樂推羣
公勸進認以眇末據于崇高不敢違寧如涉
淵海宜推恩而及遠遂與衆而自新可大赦
國內國人聞令無不歡呼初明臨荅夫之難
次大王太子鄒安逃竄及聞赦令即詣王門
告曰嚮國有禍臣不能死遯于山谷今聞新
政敢以罪告若大王據法定罪棄之市朝惟
命是聽若賜以不死生死肉骨之惠也王即
賜狗山瀨婁豆谷二所仍封為讓國君○高

勾麗以荅夫為國相陞為沛者令知內外兵馬兼領梁貊部落改左右輔為國相

權近曰君臣之分猶天壤然弑逆之賊無彼此一也故春秋之法國君有為弑逆者所立而不能討其賊則是亦與聞乎故而不免首惡之名矣今荅夫弑遂成而立伯固伯固初遁于野未嘗與聞乎故然徒知立已之為有德而不思弑君之為當討反寵任之以為國相是舉國君臣皆為弑逆之黨三綱淪而人紀滅矣若使伯固能伸

大義不賞私勞以明弑逆之罪而誅之則
三綱復正人紀復立而亂賊懼雖漢帝之
戮丁公叔孫婁之逐豎牛不足多矣惜伯
固之不能也

百濟王蓋婁薨子宵古立先是蓋婁王聞都
彌婁之豔名都彌語曰婦人之德貞潔為先
然在幽昏無人之地誘以巧言能不動心者
鮮矣對曰人情不可測若臣之妻雖死無貳
者也王留都彌使近臣詐為王抵其家語妻
曰已與都彌博賭欲私之妻請更衣而進註

飾一婢子薦之王後知見欺大怒誣都彌以
罪瞋其兩目置小船泛之河更引其妻欲亂
之妻曰今良人已逝妾身不能自保敢為王
辭但今有月事請俟他日王許之妻逃至江
口忽遇行船至泊泉城島則其夫已先往矣
遂同奔高勾麗

漢永康元年新羅呵達羅王十四年高
勾麗新大王三年百濟肖古王二年秋七

月百濟潛師襲破新羅西鄙二城虜獲男女
一千而還八月新羅王命一吉飡興宣領兵
二萬伐之又率騎八千自漢水臨之百濟大

新羅呵達羅王高勾麗新大王百濟肖古王

庚申

己酉

壬子

懼還其所掠男女乞和

漢靈帝建寧元年新羅阿達羅王十五年夏高勾麗新大王四年百濟肖古王三年

四月漢玄菟郡太守耿臨侵高勾麗殺數百

人王自降乞屬玄菟

漢建寧二年新羅阿達羅王十六年高勾麗新大王五年百濟肖古王四年

麗王遣大加優居士薄然人等將兵助玄菟

太守公孫度討富山賊

漢熹平元年新羅阿達羅王十九年高勾麗新大王八年百濟肖古王七年冬十

一月漢玄菟郡太守耿臨以大兵欲攻高勾

麗王問羣臣戰守孰便衆曰漢兵恃衆輕我

若不出戰彼以我為怯必數來且我國山險而路隘此所謂一夫當關萬夫莫當者也漢兵雖衆無如我何請出師禦之荅夫曰不然漢國大民衆今以強兵遠鬪其鋒不可當也且兵衆者宜戰兵少者宜守兵家之常今漢人千里運糧不能持久若我深溝高壘清野待之不過旬月其勢飢窘必歸我以勁卒薄之可以得志王然之嬰城固守漢人攻之不克士卒飢窘引還荅夫率騎千人追之戰於坐原漢軍大敗匹馬不返王大悅賜荅夫坐

原及質山為食邑

漢熹平五年新羅阿達羅王二十三年高句麗新大王十二年百濟肖古王十一年春

高句麗羣臣請立太子王以長子拔奇不肖

立第二子男武為太子

漢光武二年新羅阿達羅王二十六年高句麗新大王十五年故國川王元年百濟肖古王十年

四年秋九月高句麗國相荅夫死年百十三

王臨喪哀慟罷朝七日以禮葬於質山置守

墓二十家○冬十二月高句麗王伯固薨葬

故國谷號新大王太子男武立姿表雄偉莅

事聽斷寬猛得中長子拔奇怨之與消奴加

庚申

各將下戶三萬口詣公孫康降後還住沸水上

漢光武三年新羅阿羅連王廿七年高句麗故國川王二年百濟濟南王廿五年
二月高句麗王立于氏為后后提那部子
之女也

東國通鑑卷之二

